



Inatsisartunut ilaasortaq  
Adam Kristensen, Inuit Ataqtigiit  
/Maani

**Upernaviup illoqarfiani anartarfinnik imermik kuutsittakkanik  
pilersitsinissaq pillugu § 37 naapertorlugu apeqquteqaammut nr. 072-2023-  
mut akissut**

Asasara Adam Kristensen

Upernaviup illoqarfiani anartarfinnik imermik kuutsittakkanik pilersitsinissaq  
pillugu Inatsisartut Suleriaasianni § 37, imm. 1 naapertorlugu Naalakkersuisunut  
apeqquteqarputit.

Apeqqutit uannut akisassanngorlugit innersuunneqarput.

**1. Naalakkersuisut pilersaaruteqarpat Upernaviup illoqarfiani anartarfiit  
imermik kuutsittakkat pilersinniarlugit pilersaarusiussamaarpa?**

- a. Akissut aappiuppat, pilersaarusiorneq qaqugu  
aallartinneqassava?
- b. Akissut naamiuppat, sooruna pilersaarusiortoqarnianngitsoq?

Akissut:

Anartarfiit imaannik aamma imermik errortuivikumik eqqaaneq pillugu  
Namminersorlutik Oqartussat nalunaarutaat naapertorlugu kommunit  
illoqarfimminnut nunaqarfimminnullu/inoqarfimminnullu tamavinnut  
kommunimi imermik errortuivikunut pilersaarutinik suliaqartussaapput.  
Imermut errortuivikumut pilersaarutit taamaalillutik kommunit susassaqarfigaat.  
Taamaattumik Upernaviup illoqarfiani pilersaarutit ataasiakkaat pillugit  
Avannaata Kommunanut innersuussisoqarpoq.

Anartarfilerinermut suliaasaqarfimmut pilersaarut, misilittakkanik  
paasisitsisussa, aammalu suliaasaqarfimmi aningaasaliinissamik  
pisariaqartitsinermut inassuteqarfiusussa nallersuiviusussarlu, Naalakkersuisut  
pingaartikkaat, piffissaq iluatsillugu erseqqissassavara. Suliaasaqarfimmut  
pilersaarut kommuni suliaqartartullu allat akuutillugit suliarineqassaaq.

**2. Ermup ullumikkut Upernaviup illoqarfiani atorpeqartup,  
annertuserusunneqarneranik kissaatip piviusunngorsinnaanissaanut  
pilersaarusiortoqarpa?**

- a. Akissut aappiuppat, qanoq iliortoqassava?
- b. Akissut naamiuppat, sooruna pilersaarusiortoqarnianngitsoq??

Allakkat ulluat: 13-04-2023  
Sullap nr.: 2023 - 4374  
Akt-id: 22830574

Postboks 1614  
3900 Nuuk  
Tlf.: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

Akissut:

Nukissiorfinniit akissuteqaammut ilassutissamik piniarpugut, taassumalu makkua paasissutissiissutigai:


*"Illoqarfinni nunaqarfinnilu imermik pilersuineq pillugu Nukissiorfiit nuna tamakkerlugu pilersaarusiortassasut, imermik pilersuineq pillugu Inatsisartut peqqussutaat nr. 10, 19. november 2007-imeersumi § 3-mi allassimavoq.*

*Taamaattumik Nukissiorfiit imermik atuinerup annertusitinneqarnissaanik kissaatigineqarsinnaasut naammassiniarnissaat siunertaralugu, Upernavimmi imermik pilersuinerup ingerlaavartumik pilersaarusiortarput.*

*Nukissiorfiit Upernavimmi imermik pilersuinerup ingerlaavartumik aningaasaliisarpur, ilaatigut erngup imerneqarsinnaasup isumannaatsuuneranik uppernarsagaasumik (DDS) atuutsitsilernikkut, tapertaasussamik immameersumik tarajuaavimmik ikkussuinikkut aammalu erngup sorujuiagaannigut aqquataannik imermillu sorujuiagaannigut tigooraavinnik iluarsaassinikkut. Nukissiorfiit tamatuma saniatigut illoqarfinnut imermik assartuinerup annikillisinneqarnissaanut sunniuteqarluarnerulersinnissaanullu ilaatillugu, Upernavimmi sullitat angisuut arlallit attavilerneqarnissaat siunertaralugu ledninnginik pingaarnernik pilersitsinissamut tunngatillugu suliniuteqarpoq ingerlasumik.*

*Imermik atuinerup annertusitinnissaanik itigartitsisoqarsimaneranik Nukissiorfiit ilisimasaqanngillat. Nukissiorfiit sullitanut imermik atuisunut attavilertinnissamik qinnuteqaatit arlallit akuerisimavai, taakkununga ilaalluni 2019/2020-mi aalisakkerivik nutaaq, ullumikkut imermik assartuinerup aaqquussuussinermik atuilersimasoq."*

Inussiarnersumik inuulluaqqusillunga



Kalistat Lund